

Nefndasvið Alþingis
Austurstræti 8-10
150 Reykjavík

nefnasvid@althingi.is

Reykjavík, 29. október 2019

Efni: Frumvarp til laga um breytingu á lögum um almannatryggingar (upplýsingaskylda og eftirlitsheimildir) – Þingskjal 72 – 72. mál.

Vísað er til tölvubréfs dags. 11. október 2019 þar sem óskað er eftir umsögn Tryggingastofnunar um ofangreint lagafrumvarp.

Með frumvarpi þessu er lagt til að ákvæðum 39., 40. og 41. gr. laganna verði breytt á þann veg að felld verði brott heimild til að afla upplýsinga frá maka umsækjanda eða greiðsluþega.

Bent er á að nauðsyn á heimild til að afla upplýsinga frá maka umsækjanda eða greiðsluþega getur verið til staðar við ákvörðun réttinda skv. lögum um almannatryggingar. Fjármagnstekjur teljast t.d. vera sameiginlegar tekjur hjóna og einstaklinga í sambúð sem eru skattlagðir eins og hjón og geta því haft áhrif þó um tekjur maka umsækjanda eða greiðsluþega sé að ræða, sbr. t.d. 16. gr. laga um almannatryggingar og C-lið 7. gr. og 62. gr. laga um tekjuskatt nr. 90/2003.

Virðingarfyllt,



Sigríður Lillý Baldursdóttir
Forstjóri Tryggingastofnunar

Alþingi
Nefndasvið
Austurstræti 8-10
150 REYKJAVÍK



Reykjavík 29. október 2019

Efni: Umsögn um frumvarp til laga um breytingu á lögum um almannatryggingar, nr.100/2007 (upplýsingaskylda og eftirlitsheimildir), 72. mál.

Öryrkjabandalag Íslands (ÖBÍ) hefur fengið til umsagnar frumvarp til laga um breytingu á lögum um almannatryggingar, nr.100/2007 (upplýsingaskylda og eftirlitsheimildir), 72. mál.

ÖBÍ tekur undir með flutningsmönnum frumvarpsins að eftirlitsheimildir Tryggingastofnunar og upplýsingaskylda einstaklinga gangi of langt þegar 3ja aðila, maka umsækjanda, er gert að taka þátt í meðferð máls sem í raun er ekki tengt honum.

Eins og Tryggingastofnun ríkisins (TR) rekur í umsögn sinni eru það fjármagnstekjur maka sem geta haft áhrif á útreikning lífeyris sem stofnunin greiðir út. Einu gögnin sem TR notar til að skoða fjármagnstekjur umsækjanda og maka hans eru skattframtöl aðila. Fjármagnstekjur eru einu tekjur maka sem geta haft áhrif á lífeyri og því ljóst að engin ástæða er fyrir TR að krefjast upplýsinga frá maka eða fresta afgreiðslu mála vegna skorts á upplýsingum frá maka. Samkvæmt 43. gr. almannatryggingalaga er ýmsum aðilum, m.a. skattayfirvöldum skylt að veita TR upplýsingar að því marki sem það telst nauðsynlegt til að unnt sé að framfylgja lögunum. Er því ljóst að TR getur óskað eftir skattframtölum beint frá skattayfirvöldum ef nauðsyn krefur og því ekki þörf á því að krefjast aðkomu maka lífeyrisþega að afgreiðslu stofnunarinnar.

Ekkert um okkur án okkar.

Með vinsemd og virðingu,

Þuríður Harpa Sigurðardóttir
Formaður ÖBÍ